

省志輯·福建

中國地方志集成

道光重纂福建通志(六)



中國地方志集成

省志輯·福建 ⑧

道光重纂福建通志(六)



鳳凰出版社 ● 上海書店 ● 巴蜀書社

重纂福建通志卷二百之七

人物

明福寧州列傳

本州陳宗顏 林愛民 游朴 寧德縣周斌 林聰子景

著者子文迪聰孫元慶元 陳寓 陳爽 陳助 子得

吳國華 福安縣陳琦 郭文周

本州舊福寧

陳宗顏字希賢操行端潔州士有望者皆出其門洪武中以人材舉帝問曰官汝方面有何施為對曰臣為上為德為下為民稱旨授陝西布政使多善政

林愛民字子之況之子也

況見孝義傳

嘉靖甲辰進士授戶部主事凡

福建通志

卷二百之七

明列傳

福寧州

三餉邊疆談形勝如指掌尋權稅九江舟至令即啓關關故例救湖貨者有賞愛民令救人者賞倍之出羨金置陶潛周敦頤祭田還朝選員外郎二十九年俺答大舉入寇京師戒嚴邊兵入衛之芻料尚書呼林員外助我乃率城夫馳收菽芻賴以不絕進郎中營銀藏時羽士方有寵歲費香金十七萬以兵事故不時給權璫欲發老庫給之愛民不可曰老庫備非常誰敢發者以積忤謫興國州州同署大冶縣事縣當吳楚交寄莊仇殺累年不解愛民一勘卽平之量移嘉興通判值倭變守北城樓四十日圍乃解屬縣桐鄉舊無城愛民倡築工成而寇至以有城不被賊調保定均驛馬省下邑金錢數千緡復為戶部郎中擢廣東按察司僉事備兵海北散珠盜百餘艘值朝命採珠率屬矢神不私一顆忤巡按罷

歸

游朴字太初父德字廷光將赴試母泣送之遂築室南陽不復進取與弟廷奎友愛鄉里化之凡兄弟有爭者輒相譬曰不見游德兄弟耶朴萬歷甲戌進士除成都推官入為大理評事歷遷刑部郎中三主法司無一冤獄任刑部者多師之擢湖廣參政分守承天發大豪李天榮不法事論死竟以是投効歸性孝友與弟韶白首同居老而彌篤人謂能世其家焉

寧德縣

周斌字質夫生而端重閒雅襟度夷曠尤孝友篤學經史百家靡不諳貫洪武壬子舉鄉試授建寧教授時兵革甫息學制粗舉斌修廢起做嚴立教條作新士習每旦五鼓升堂飭勵諸生非公事

福建通志

卷二百之七

明列傳

寧德縣

弗造郡縣長貳之室雲南平撰賀表有金幣之賜分典湖廣試得士為盛秩滿考最入京師帝召至便殿承顧問以質直見重拜中都國子監司業約度明信諸生悅服踰年召還授齊府左長史輔翼一以正道王加敬禮從王入覲享勞優厚既還以母憂去官哀毀卒少師楊榮少從斌遊斌器之授經條所疑難旁喻曲譬必明晰而後已常語榮曰子器識可嘉宜益自勉惜子老弗及見爾之樹立也

林聰字季聰父觀字善甫少孤事母孝舉洪武癸酉鄉貢任程鄉教諭生徒多稱貸武豪稍負輒被辱觀為疏陳豪勢敢斂嘗陳六事稱旨既以母老歸養邑田陷海為民宿患疏以聞起餘姚教諭考滿赴部被命勘徐州蝗災既還當遷官陳乞舊職遂調玉山再

調江山致仕聰第正統己未進士授刑科給事中景泰元年進都給事中時承平日久言路弗塞聰感激論事無所諱英宗北狩以後益與同官葉盛矯厲奮發所彈劾皆切近內侍及當柄大臣多因以下獄去者追也先奉英宗還廷臣議迎駕或謂敵人變詐不測一車足矣聰曰上皇北征爲宗社計也迎復禮宜厚英宗之北狩也皇太后命立憲宗爲皇太子而以景帝監國及景帝卽位欲易東宮命廷臣會議眾相顧莫敢發言聰首言皇太子無過不當易不肯署名然竟不能阻按昭代典則引崔鉉語謂聰擢人之善此由易儲後簡聰官僚不類抗語者然東宮官屬本開曹雖似還實弛其權故商輅以爲言不未幾設東得因此遂疑聰未嘗諫易儲而指諸書云云爲據善也宮官屬遷春坊司直郎明年春學士商輅言聰遇事敢言不宜以有用之才置閒散之地乃復爲吏科都給事中也先遣使入貢書

福建通志

卷二百之七

明列傳

三

寧德縣

稱大元田盛可汗聰言也先弑主僭號乃遣使於我試覘中國有人否爾莫若待之常禮賜敕來使命歸語以君臣上下之分順逆吉凶之道庶幾國體不失帝竟從大臣議稱可汗答之戶部侍郎張睿國子祭酒劉鉉並用母喪奪情聰疏言侍郎六卿之亞祭酒師儒之宗忠孝大節不可不盡乞令守制不聽復上言君親人道大倫忠孝臣子大節未有忠君不由孝親者也禮臣有父母之喪君三年不呼其門高皇帝定制父母之喪皆斬衰三年冒喪有禁匪喪有罰所以扶綱常維世教至矣近年邊事寧謐在外諸臣已不許奪情而在京猶視爲故事其弊必至貪戀名爵不顧廉恥子道既虧臣節安在請永除其令帝納之四年十一月所立太子卒聰言今三尺童子念太上皇德請復立故太子明年三月以災異

係上八事言陛下宜虛己省躬戒玩好之蕩心嬪御之燕溺用度之過奢逸樂之忘返與爵濫施罰濫及又言唐虞三代無有釋道齋醮之事然而享年益高傳祚益永自漢以來或捨身祀佛或迎骨入禁供奉非不專而壽祚未必永二教無益明甚近者在京寺觀一月而幾齋旬月而幾醮甚至內府亦設供奉雖曰內帑實出民脂以爲爲民祈福而民艱自如以爲爲國禳災而天災屢見請悉停罷餘如禁私役軍士省輪班工匠皆深中時弊帝多採納正統中福建銀場額重聰恐生變請輕之時弗能用已果大亂及是復極言其害竟得減免聰居職久益審察以言自任思不負知獎諸司憚聰風裁而內閣及諸御史並以聰好論建弗善也王文允惡之求其罪不得其年冬聰甥陳和爲教官欲得近地便養聰爲

福建通志

卷二百之七

明列傳

四

寧德縣

言於吏部御史黃溥等遂劾聰挾制吏部并劾尚書王直阿聰章下廷訊坐大臣專擅選法律論斬胡濙謂文曰給事中七品官也而擬以大臣囑託公事也而擬以選法二者於律合乎且人臣以宿怨殺諫官無乃不可遂不與疏歸稱疾不朝帝使太監興安問疾對曰老臣本無疾聞欲殺林聰不覺驚悸興安入告高穀亦力言之帝知聰被搆遂得釋左遷國子學正英宗復辟超拜左僉都御史賑山東饑詢拔賢吏散詣村落給食及醫藥活民一百四十五萬天順二年九月進右副都御史江淮鹽盜橫行命往捕以便宜禽戮渠魁數人餘悉解散指揮吳斂等受盜賂奏籍其家三年秋母憂起復再辭不許四年曹欽反將士妄殺至剗乞兒首報功市人不敢出戶聰署院事令獲賊者必生致濫殺爲止錦衣官校

惡欽殺指揮遂杲悉捕欽姻識人知其冤莫敢直聰辨出之明年進右都御史七年代王越巡撫大同歲餘遇疾致仕再歲以故官起掌南院事兼提督操江掌院多不樂御史言事聰獨獎勵之或咎聰聰曰已既不言又禁他人言可乎十三年秋召爲刑部尚書尋加太子少保聰以舊德召用持大體秉公論不嚴而肅時望益峻及遼東巡撫陳鉞鎮守中官葉達總兵官歐信等屢失事被劾十五年命聰偕中官汪直定西侯蔣琬按狀直欲庇鉞而憚聰深敬禮以悅其意聰亦稍委蛇比具獄還達信及副將韓斌等十七人並貶秩奪俸而鉞獨逃罪論者惜焉十八年乞歸不得卒於位年六十八贈少保宏治中諡莊敏聰爲諫官嚴重不可犯自抗易儲之議直聲著海內人皆想望風采郡縣聞其名所至皆惶恐救

福建通志

卷二百之七

明列傳

五

寧德縣

過不暇而聰實恂恂和易不爲嶄絕之行以故不肖者畏之而賢者多樂就焉景泰時士大夫激昂論事朝多直言率聰與葉盛爲之倡至再起則更爲溫厚謙抑與物無忤議者疑其迹涉浮沈而卒無少貶云子景用蔭官順天府治中從弟著字士彰成化四年舉人知浙江新城縣以廉自持從弟普字士周成化間鄉人築龍潭尾壩水道經普園捨地百餘丈並捐貲充費鄉人德之爲立頌德祠著子文迪字廷吉宏治五年舉鄉試第一十八年成進士授刑科給事中有敢言名奉命清糧卒於廣西文迪學博識醇與弟文遷並工詩聰孫元慶元魁皆輕財好施元慶子以謨義行如其父曾孫師行以字行以貢生任教職所至皆有去思碑

林遂字元成宏治辛酉舉人歷安吉象山教諭正德甲戌成進士

授南大理評事轉寺副嘉靖初陳八事曰恆敬心遠邪佞容顏直公是非重守令謹刑罰修武備革弊俗帝皆嘉納之轉寺正擢湖廣按察司僉事賑襄沔饑仿曾鞏計口授錢法不足則請太和山香錢鎮守中官難之往復抗論卒如請除鄖陽部運徵賂之害革榔永老女不嫁之俗創巡司於麻城界河進四川副使稽餉築城防邊並有成績大工採木權貴欲取其餘執不與勞費大省歲饑檄郡縣修學或謂未便遂曰此范文正公遺意也後麥大熟長至丈巡撫欲以瑞進遂曰大寒之後必有陽春何足爲瑞不署名遷貴州參政致仕歸在四川時有獻金甌者卻之民爲建卻金亭

福建通志

卷二百之七

明列傳

六

寧德縣

主事進郎中詔求直言寓條陳南京庫藏門禁關隘抽分行市守備國學府衛諸弊事多涉權貴守備太監奪民蘆洲勘還之且劾其不法太監亦奏寓沾直要名朝廷遣官鞫之卒直寓尋以母老乞養歸孝宗立卽家擢廣西按察副使行部所至苗獠避伏移湖廣會朝廷遣中官印烙抽分廠木寓上疏言內臣一出地方騷擾乞取回不報進山西按察使忤權貴九載不遷卒於官

陳袞字邦進寓弟子也父字宇時清性清高自謂平生慕真隱而有山水真樂玩遊真境詩書真味吟咏真趣號五真居士衰第嘉靖癸未進士授御史會議祀興獻帝於太廟袞疏言今日之事實與周文王不同陛下承祖者也其序傳之武宗不宜復立禰廟尋乞終養十餘年起原官巡按江西夏言爲相欲毀民居以益苑固

衰書諷止之人爲之危衰曰吾寧危一身不忍見百姓離析之慘也尚書霍韜歎曰真御史也卒以忤言謫韶州推官去之日父老攀轅留其矛袍再謫泗州判久之稍遷慈谿知縣毀淫祠以祀吳闕澤唐房瑄蓋有澤於邑者遷松江同知值新設青浦縣事悉委之經略縣成摧廣西按察司僉事時總督張岳方大征柳州馬平獲聞衰至喜曰事集矣遂檄衰率各州兵征剿平五都諸處功垂成值言再起爲相御史呂光珣希指劾衰遂罷

陳勛字世勉萬曆甲戌進士知餘姚縣餘姚簿書山積勛頃刻立剖諸當道有曲法和屬者不少徇還南京刑部主事擢四川副使有鄉貴橫施於民捕其家人懲以法進廣東參政將吏獲海上民誣以大盜株連常數百人勛面鞠其僞盡釋之尋爲權貴所擠謫福建通志

卷二百之七

明列傳

七

寧德縣

官起廣西副使備兵左江是時川貴會征播州曾楊應龍勛簡土司兵數千往援大破之川貴總督上其事會皮林蠻反遂晉參政領監軍道協勛率二萬人生擒苗首其餘撫解萬計以冒暑深入致疾卒論功贈太僕卿賜祭葬助服官清節居鄉懿行皆人所難及子得姚字仲虞博通經史文名噪一時天啓中選貢授和州州同崇禎八年上官檄令防江得姚挾一僕往適賊寇和州圍城七晝夜一夕風雪大作守者皆僵城破知州黎宏業被害得姚妻尤氏罵賊不屈死得姚在鎮江開難募勇士禦退之遂署州事州經亂後加意撫循民賴以蘇去之日多攀轅號哭者家居甘澹泊絕干謁鄉望如其父

吳國華字朝賓萬曆丙辰進士授行人遷兵科給事中

黨曹欽程父事魏忠賢爲十狗之一國華劾之言宋臣司馬光曰諫官當志其大捨其細先其急後其緩臣服膺斯語故雖職司糾彈而苟非異貪極險得於目覩者必不肯爲癰疽之索詎意暴厲恣橫如欽程者當少年狎比侏儻浪遊荆楚拜周十二爲父已不齒於士林及作令吳江也未逾九旬連斃九命視富民爲奇貨倚庫吏爲外府致錢民之劫掠巨室爲之一空激運軍之鼓譟冠服幾乎盡毀臣當年以使事往還時一再其地親見其撲殺累家啼戶哭嘗私歎曰天下有如此很吏猶居民上耶後聞竟盜庫金數千以去經撫臣彈劾監其親屬追取豈知免脫極巧蠅附偏工遂借炎災之勢司教四月旋晉工曹迨至局散禍臨魂驚膽落而聖治一新之疏出矣若謂攻擊邪穢推進名賢便可附正人君子福建通志

卷二百之七

明列傳

八

寧德縣

之列庸知閃爍反覆承顏希旨止是先發制人之計阻畢可芳臺諫之路而暗肆中傷奪李謙亨陵工之差而巧加擠陷百計盜公家之錢而兼管木廠物料工價一切抽取非即散平望工食加二扣除之故智乎千金娶劉弁之女而權寄昌平長班自隸俱得入闕非即託高吏賈妾停泊間門之舊習乎最可愕者權要皆其乾父名刺無不通家結金吾爲心交指當道爲密契況以曹郎侵臺省之權已虞躍治復以士人效鬼蜮之行豈識包羞昇平之朝尚得緩此鄧析少正卯之誅哉疏上朝右爲之動色忠賢怒除國華名欽程益得志國華歸未幾卒崇禎初贈太常少卿

福安縣

陳琦字公剡永樂壬辰進士累官江西按察司僉事嘗行部至瑞

州方大旱民以爲憂琦引咎自責大雨隨注一日坐堂上有大蛇
翹首向琦若有所訴琦令役迹之得腐屍古井中廉得奸狀捕訊
具伏人以爲神入覲卒於京祀鄉賢

郭文周字景復嘉靖甲辰進士授中書舍人擢御史監蘆溝橋稅
尋印馬南畿絲毫不入私橐二十九年俺答入寇佐兵事有功巡
按廣東豪貴多掣肘文周遇事據法繩之不少假民有鐵面青天
之號歲滿當代帝再遣之風裁益肅及去老稚遮道泣送爲立生
祠吏部尚書李默疏稱爲臺臣第一擢順天府丞以劾趙文華忤
嚴嵩致仕歸王世貞慕其名曰郭御史恨不得一識面

福建通志

卷二百之七

明列傳

九

福安縣

重纂福建通志卷二百之八

人物

明良吏傳

福州府閩縣許原 郭柏 陳肅 趙景純 趙彥剛 林

真 葉光 林元美 黃寧 周恂 張濬 王俊 黃雋

鄧琪 鄭琳 孫述 郭琪 子軒 鄭蘊中 李廷儀 鄭潛

從弟 藍淦 鄧遷 陳子文 從孫 王子聰 夢 鄭銘 鄭日

休 趙鉞 李柱 葉公重 高士奇 陳兆榮 葉良漸

蘇夢陽 侯官縣林瑛 高吳 鄭珞 子堂 潘貴 孫珏

林壤 鄭元韶 施可材 朱鐔 林桐 弟植 李興 陳

復 陳崇 阮時懋 王介 廖雲翔 王希周 陳學麟

福建通志

卷二百之八

明良吏

福州府

王應巡 長樂縣王堅 陳祖 方懋 李叔玉 陳大

瘦 葉時敏 子有 福清縣陳霖 黃須 陳嘉 戴濬 黃

泗 陳用明 何世祺 楊子充 施千祥 張德熹 林

資深 何邦靖 弟邦 鄭天佐 施觀民 子三 郭尙達 葉朝

榮 林邦達 子元 林天錫 陳名彰 張日耀 劉鎮 林

雲 林子勉 曾孫日光 陳從教 李允佐 連江縣陳宗回

鄭師 陳元憲 子承 林鏞 俞璉 王一岳 孫一謙

陳繼源 陳思選 趙九鼎 羅源縣陸引 林高 子曼 林

登 游定國 古田縣曾斌 章潤 林果 永福縣陳璽

興化府莆田縣林洪 從弟利 洪孫璽 黃嘉 盧賢中

林庭芳 鄭述 洪楷 從子 楊殖宗 林思承 林漢 兄景

吳繹思 王俊 林瑛 陳裕 李德美 陳愈 鄭敬道
 陳景弼 吳孟諫 李純 林寬 陳祥麟 陳光華
 昌應會 游日章 子伯槐 唐維城 弟師 鄭大機 卓鍾綸 林
 錦 黃騰春 盧廷選 林光庭 余颺 周嬰 林之驥
 仙遊縣鄭照 阮哲 林永齡 孫賢 何一鴻 鄭廷環
 鄭瑞星 林士程 王日新 興化縣何誠 周炎 平海
 衛林大經

福建通志

卷二百之八

明良吏

二

興化府

福州府閩縣

許原明初以諸生薦授定海縣丞歲修治海舟官直或不時給或已給爲吏欺隱故事縣有興作責民一二人主出納謂之庫子所費皆令代輸而促迫之歲弊民產數十家原惻然曰是豈爲民父母意哉卽詣府請其直集里役分授之吏皆不得有所與鄉人不憚爲庫子者自原始縣以業海爲生自禁民船出海所恃者田租而里役無藝原令受役準田多少民便之攝知慈谿縣值旱禱白龍潭不應祭豪惡吏素爲民患者大書其背曰天不雨此屬爲之也民見之大快雨隨至歲遂大稔原爲丞廉日食飯一孟蔬二味非公享酒載不入口視民如子有甚惡乃繩以法被議去民老幼號泣送者千人人懷一金悉謝遣無所受既事白乃還尋以父憂

福建通志

卷二百之八

明良吏

三

閩縣

歸

郭柏洪武初任壺關縣丞嘗鑿惠澤池於南關民賴之 按山西志進士而舊志選舉表及進士題名碑皆無其名山西志誤也

陳肅初名大觀字文叔洪武四年以孝弟力田薦太祖喜其容止魁異歎曰有是人材出何晚也爲改今名特給誥敕除淮安知府先是盜竊府藏捕弗獲守者皆繫獄肅至似有神啓使人如所指潛伺果得之明年淮安有諸生錢受祿詣闕奏事帝問淮上何官能體朕心對曰惟一知府陳肅卽召赴闕賜璽書褒獎擢四川按察使令民毋火葬官給之地父母在者勿異庖婦人勿預訟凡戒諭數十條皆關風化之大者居二年復徵入朝超拜禮部尚書命下而卒

趙景純初名明景純其字也洪武間以國子生擢雲南道御史與同列七人忤旨當誅太祖奇其貌僅奪職爲民更名李潛隱於閩清會大赦乃以字爲名尋被薦爲閩清訓導永樂初擢知上饒縣廉介不避權要正風俗革吏弊均賦役息盜賊政聲大著三載卒於官檢筭中僅餘白金一兩邑人哀之立祠祀焉

趙彥剛洪武間知萬安縣廉靜簡約興學勸農均賦役革吏蠹民有訟立與剖決邑西南寇起親勦撫之民賴以安代去行李蕭然惟兩敝篋而已

林眞字汝質永樂乙酉舉人以楊榮薦選庶吉士入經筵侍書出知慈谿縣改補江寧縣上書言時事成祖嘉納賜白金文綺鞍馬再移宜興獲妖賊龔伯諒詞連無辜辨釋八十餘人卒於官

福建通志 卷二百之八 明良吏 四 閩縣

葉光有詩名永樂初以明經薦授南海主簿莅政之初凡事遜之於尹及攝邑篆以廉明稱吏不敢欺民咸歌曰南海簿眞不貪百鳥風人中難

林元美名鏐以字行父觀字用賓洪武中隱居不仕性厚而直鄉人化之皆往求質卜地葬父母術者曰吉壤也後富有至公卿者觀曰觀野人也敢望公卿此壤果吉願與吾宗共之乃取族人火化者瘞焉觀子孫卒大顯元美登永樂辛丑進士宣德中授上饒知縣縣土田磽瘠賦稅多逋元美爲請於朝核其田汙萊者悉蠲之邑鮮知學集諸生親爲講論科第始顯山峽中多盜撫以恩信皆向化凡知上猶十餘年公廉持大體民畏而懷之正統中遷知海寧州州舊置兩軍衛守禦海寇武弁習爲暴有司稍拂其意輒

合黨排擊之元美密條其不法以聞下臺憲繩治害遂絕有二僧自他州至以術惑取執之熟視曰此越獄盜也訊之果然人以爲神天順初擢撫州知府吳與弼每歎其清操書金井水玉壺永六字贈之越二年致仕歸友人戴宏齡方嚴慎許可對客握元美手曰公有四知諸公知平客皆以楊震爲擬宏齡徐曰林公歷官知縣知州知府人皆能之至其知足人鮮能也元美卒上猶海寧撫州皆立祠祀焉子瀚自有傳

黃寧宣德間爲奉化縣丞參政俞士悅以清軍至縣見其冊籍整敘大加稱賞布式諸郡

周尙正統中爲雲和縣丞閩寇入境統兵民勦絕之

張潛字哲之邦志作文哲誤天順己卯舉人廣東通志作進士誤授寧國教諭成化

福建通志 卷二百之八 明良吏 五 閩縣

中移四會適有海寇潛以策上總兵官陳銳銳不能用十六年擢饒平知縣修教令興學校廉能公恕人不取干以私有斗老謝全者頑梗亂政潛以計捕殺之縣人大悅斗老者言其科取人莫敢誰何也會廣寇充斥督府識其先嘗上策總兵檄領揭陽四邑兵禦之賊平功未及錄而全子訟當道潛不自白鬱惋病疽卒家人空橐歸觀民祀之名宦祠

王俊字世英前志誤作世美成化丙戌進士授南京戶部主事出知袁州府風采嚴整凡豪家武斷者一繩以法吏民畏而懷之修學宮濬

水利皆爲袁人遠計九載遷廣東參政撫化搖擻廣人德之

黃寓字世用成化丙戌進士歷知武寧當塗江山三縣廉明古樸端字盡心在武寧時有鉤致流屍折其脅誣爲仇家所毆官久不

能辨寓視之曰骨爲毆傷何以從內折外耶誣者遂服陞工部主事改戶部以不合上官歸人爲謠曰黃部郎返故鄉攜空囊

鄧珙字宏中祖光字景晦樂善不倦時鄉曲有三患浮屠寺占中遠病民出入沿山田剛燥艱於耕犁山麓溪春常奔決壞民田廬光謀於厥相隙地徙寺渠已田以通水利復築長隄以障狂潦三患並除人稱便焉其登成化丙戌進士授常熟知縣爲政嚴明鋤強扶弱邑有巨豪馬凱每一令至卽以厚資相結納恣爲暴橫珙廉其罪狀筆殺之都御史畢亨疏其賢詔旌異之入爲戶部郎考民史信等詣闕乞留官終貴州參議

鄭琳字文玉成化戊子舉人知象山縣剛方廉介權貴不敢干以私太宰屠某目曰此硬頭官也時人呼爲鄭硬頭孫述字世美嘉

福建通志

卷二百之八

明良吏

六

閩縣

靖庚戌進士官江西按察司僉事剛介不能俯仰綽有祖風時權相嚴嵩奪民溉田湖塘民訴於述述命各荷鍤以從羣共開掘頃刻還民嵩怒甚人皆爲逆危未幾嵩敗述得無恙遷廣東布政司右參議

郭珙字元珪成化乙未進士知會稽縣有大豪撓法害閭里珙至召數其罪案以法邑大水饑不待關白卽發廩賑乃鑿塘泄水以備旱澇相地肥磽以上下其稅移知秀水訪求民隱而興革之時有郭天堂之謠入爲戶部主事卒珙居家清謹事繼母以孝聞子軒字瞻夫讀書通大義珙官會稽時軒侍大父就養及珙遷戶部命歸守鄉廬敦族恤窮遺賫悉推諸弟妹有弟傲弗率軒逾篤愛之歡洽如初再從弟麟幼孤軒延師督訓後麟入仕每歎曰吾兄

之德也軒子波字澄卿正德丁丑進士知長洲縣初至尚嚴猛民閒事瑣屑必知於是定稅平徭役巨室無不斂手嘉靖初織造太

監張志聰恣睢橫索波持法挫之志聰忿甚誣波撓御造龍衣擁徒執而倒曳之車後百姓憤曰令爲民受窘辱至此相率奪波去持瓦石擲志聰志聰入奏帝命械繫波下鎮撫司獄南京都御史吳廷舉疏言志聰貪黷狀帝乃降波五秩黜志聰罷之時波已擢都水主事降江西布政司照磨後除蕭山知縣未赴遭母憂尋卒波工詩善學杜

鄭蘊中字德輝成化庚子舉人宏治中除石首教諭學邃春秋多所造就遷貴池知縣與上官議獄弗合拂衣歸性狷介絕俗家居夫婦織席爲食有門生以御史按閩屢候弗見也一指揮持厚賄

福建通志

卷二百之八

明良吏

七

閩縣

丐關說御史求善地蘊中曰此言胡爲及我哉強之再三蘊中呼里人欲執詣官指揮乃告實曰御史念公貧藉此爲餽耳終不納年九十餘卒

李廷儀字鳴鳳宏治庚戌進士授定海知縣遷順天府通判外戚奪民田廷儀爲直其事坐謫六安州同知賑屬邑霍山饑全活甚眾擢江西南安府同知南安號嚴郡值賊阻山谷時出剽掠廷儀募能走險者帥之進討俘斬五百餘降渠魁陳能白等數千人督府據其功廷儀恥於自言遂引疾歸廷儀愷悌率直嗜酒善聲詩夷落世故及處煩劇毅然不擇利害內行醇至少乳於嫂母事之卒後里人私謚之曰夷穆

鄭溶字克明宏治壬戌進士知常熟縣摧強植善民號神君沈周

爲繪惠政十圖鄭善夫跋其後累擢高州知府亦有善政去官時民爭留之從弟瀛字克達正德己卯舉人官鳳陽府懷遠知縣博學有文名爲諸生鄉試時有以關節送者瀛卻之

藍澄字德源正德己卯舉人嘉靖十一年爲九江府湖口知縣素性清苦以課士勸農爲務嘗夜半微行見二婦人績久而饑計家中無可爲食獨有酒一罍兩婦議存其清者飲客至底無獨歎曰是酒一清徹底好似藍使君竟不飲翼日遣人厚賜兩婦勞之曰績至夜分勤也飲濁存清禮也無濁而終不飲儉也以婦人而知賢其上義也故宜受賞巡按御史至立清廉貪酷四表令屬吏自揣其行立何位次取莫敢措淫攝衣直趨廉字御史曰藍吏之賢尚不止此當更進一步卽以第一薦之遷去民遮道攀轅爲作去

福建通志

卷二百之八

明良吏

八

閩縣

思亭

鄧遷字世喬嘉靖戊子舉人知香山縣下車卽峻繩里胥費餽一邑肅然治後仁山爲豪占贖歸建書院暇則與諸生講學其中奉檄勘新會豪民所占田歸預備倉縣多寄莊另立順德新會等都推才幹一人爲領袖賦役盡完擢嘉興府通判署嘉善有築城功陳子文字在中閩書作懷安人嘉靖己丑進士授麻城知縣精敏沈毅訟者一見輒能記其姓名里居雖老吏猾胥不能舞文取一錢歷戶部郎夏言爲諸生時爲子文父鑑所知及子文貴言以通家子欲置門下子文委曲辭避遂以常調出知長沙府巨盜尹大憲阻山環水爲寨有捕者輒鳴鼓隔水相拒歷數郡守莫能除子文至故緩之密偵其狀知賊畜積甚多時竊出交易乃伏壯士數十人水

旁而選一人託買犢以往誘其魁出伏發禽之其黨悉驚竄全楚

十五郡稱治行第一改知池州府單車入境不挈妻孥諸生願請業者親與講明經義遷湖廣按察副使勦撫諸苗以勞卒於官從孫堯欽字仲敬萬歷癸酉舉人歷漢陽知縣桂林同知亦著廉聲王子聰字汝達嘉靖甲午舉人知於潛縣清勤守官而民間利病隱微畢見號玉壺冰大盜鮑遷邇等據天目山子聰斬獲二百餘人御史舒汀薦治行第一以難去再補景寧治如於潛兩邑人並祀之子夢麟字維振隆慶庚午舉人任吉安府通判郡多應仕夢麟執法不少徇遷廣州府積義餘鹽課六萬緡請蠲民閒糧十萬餘石歷永州桂林府以病請歸篋中圖書數卷而已夢麟孝友肫至父歿遣四弟貧且穉授徒哺之讓宅於弟自儉敝祠以居及歷

福建通志

卷二百之八

明良吏

九

閩縣

官俸資悉散諸弟葬父時形家謂不利於冢子夢麟曰父厝未安遑恤我後聞者稱爲至言

鄭銘字日新嘉靖丁未進士除太平知縣擢戶部主事歷郎中出知溫州府倭寇數萬猝至銘棄城守遂塞要害編丁男爲什伍身當其銳晝夜不交睫者月餘賊乃退無何罷官郡人肖像祀之

鄭日休字廷德嘉靖甲子舉人除海寧教諭諄諄以行義勸士以非公溷有司者召而誨之或遭枉必力爲白擢惠州推官持法平允攝博羅縣清稅弊蘇民力以丈量勞悴卒於官日休計偕時友人林世和卒京師爲歸其喪以女女其子又嘗爲族人贖所鬻女而嫁之學有根柢工爲古文詞子元勳孫瑄傳別見

趙鉞嘉靖末知普寧縣縣治初設鉞單車之任不攜妻子戢盜安

民三年邑大治攝增城令惠政有加代去民益思之祀名宦

李柱字子石福清人萬曆癸酉舉人為浦城教諭遷馬湖推官摘

伏如神讞鞠多所平反嘗捐俸贖民罪一日出獄者四十餘人未

幾以人言罷歸杜門著述年九十餘手不釋卷

葉公理字達所聞縣人萬曆戊子舉人授南靖教諭時縣治新遷

學宮草創公理課士維嚴教條整肅士喜得師後陞廣西賀縣知

縣在南靖時嘗手植雙檜於明倫堂隄上多士望而懷之

高士奇字懋正萬曆甲午舉人知宿州州居四街與馬廩鎮口送

迎境上士奇處之裕如河決雖水民懸釜炊士奇親詢民疾苦給

以牛種先是戶口多亡逋賦以千計士奇招徠復業徵漸如額州

豪持吏長短士奇繩以法滅死論成諸豪相戒毋敢犯改知萬州

福建通志

卷二百之八

明良吏

十

閩縣

過家省侍卒

陳兆榮字仁夫改名美萬曆庚子舉人除鹽城知縣縣有草場三

千餘畝故例每竈戶人給七畝其餘聽貧民樵採後竈戶日強悉

為吞噬有樵至者羣毆之貧民益困美至復其初縣患海潮溢美

造石門以禦潮民咸利之山東大饑流民數萬至縣美開倉設飯

廠三十六所而自督之歲除猶未歸署也遷深州知州鹽城人生

祠之

葉良漸字海濤萬曆壬子舉人崇禎丁丑會試房考薦其博洽當

推第一爭論過激主司抑之遂補南直隸靖江知縣廉介重名節

自題廳事云心清祇有松堪對門靜兼無雀可羅隆武初徵為戶

部主事擢員外郎變革後杜門掃軌坐臥一室歿後靖江祀之名

宦祠

蘇夢陽萬曆間為南京司獄職獄卒不使患苦諸囚又恐其夜虐

之莫之知也則監懸一銅鉦令曰有虐囚者鳴此獄中肅然其他

踐更稽察撫卹困苦法甚備未幾轉廣東吏目巡撫丁賓署部事

憐其貧資遣之郎中沈琬指獄戶曰此活地獄也蘇司獄去吾不

敢繫人矣

侯官縣

林瑛字玉成少從里中張養和學易元末擾亂晦迹為童子師謂

養和曰吾道雖未可行於天下可試於一鄉遂與養和講明藍田

呂氏鄉約聚鄉子弟講而行之洪武庚戌舉於鄉授保寧府通判

攝府事乃頒呂氏鄉約條規於郡縣學立為勸懲格期以必行每

福建通志

卷二百之八

明良吏

十一

侯官縣

巡歷屬邑必詢察父老鄉約舉廢謂民曰盜賊之起由教化之不

行也教化行而俗美盜何從起以母憂歸尋卒保寧士民祠於學

宮

高昊字汝大洪武末以貢入太學授惠州府長樂典史佐其長以

平易近民一縣稱治永樂初備官僚擢通事舍人侍東宮朝賀不

失節歷九年遷清紀郎出知常山縣縣大猾出入官署伺隙持短

長為姦利前令莫敢誰何昊曰此不去何以為治即按致其罪當

死因被反噬逮至京得白而羣不逞之徒日夜媒孽其短昊歎曰

曾參非殺人者然告者屢至雖其母亦惑焉即謝病歸

歸字希玉永樂乙未進士選庶吉士改刑部主事宣德初重郡

守之遷五年擇廷臣二十五人為守奉敕以行珞得寧波帝賜詩

寵之珞簡重嚴敏黠賊吏抑豪強發奸摘伏老吏懾服禁絕軍民
遷捕之擾盜亦屏息條減織染弓張二局及諸色歲辦節物力汰
浮羨修舉學校廣厲生徒每泄政舉輒至明倫堂與諸生質難可
否布衣之士識治理者亦延訪之寧波素號難治他守或日不暇
給珞藉有餘力民幾無訟中官裴可烈以公事至郡貪暴不法珞
上其罪詔置可烈於法以難去會海寇入犯民數千詣闕乞留奪
情復任珞辭不允尋擢浙江參政未上卒子堂字汝昂自號雪樵
山人爲諸生有詩文名正德初帝荒遊無度人人有社稷憂閭中
鎖撫藩臬日逐遊宴值元夕大蘇崙山燈堂題聯云崙山北嶺今
宵樂聖駕南巡何日還諸當事因感曰書生有國家之憂吾儕尙
不省乎

福建通志

卷二百之八

明良吏

三

侯官縣

潘貴永樂中任德安典史德安不習紡績而夏稅有苧布買於他
縣不勝其困貴請於朝改輸棉民以爲便

孫廷字士節爲諸生時會講學宮裁弁莊容爲後進儀表宣德間
以貢入太學與修五經四書大全書成擢常山知縣調鉛山清勤
慈惠民懷之秩滿民赴闕乞留遂得再任前後幾二十年嘗手植
松於庭皆林立見者比之甘棠

林壤字叔載正統戊午舉人除順天府霸州知州盜剽掠商旅
爲患已久壤廉其尤者置之法盜爲衰息北地多荒蕪壤教民墾
闢量戶給地察其勤惰而勸懲之踰年田野大治

鄭元韶字志夔嘉靖己酉舉人知善化縣遷松江府同知會巡撫
都御史林潤奏請展畝均糧元韶以薦假湖廣按察司僉事銜賜

勅專理徧歷阡陌書其步積之數量腴瘠分上中下以定賦復請
以五年一編徭役著爲令自是每戶一年力役得五載休息焉
施可材官定安典史隆慶六年漳州寇莊猷引倭數百渡海夜劫
定安可材親率民壯捍禦操巨斧斬其酋賊乃退駐大底可材與
知縣謝應元日巡夜守邑人程大度出蓄儲以資禦倭知有備乃
去時沿海多受其毒獨定安無害民感之請祀名宦

朱鐔字子珍崇禎末任敘州府高縣典史高本夜郎地邇瘴芒烏
撒諸郡蠻習頑梗鐔尙寬大示禮法始就繩束自以早失怙刊行
孝弟歌諭民知愛敬有古循吏風年百歲無病卒

林桐字正行父宗與字受之遠於易參究揚子太元明初海內未
靖宗與卜未可仕葺通元堂爲隱居所自號臥元子桐洪武中舉

福建通志

卷二百之八

明良吏

三

侯官縣

明經擢第一授順昌訓導改貴溪典史鋤強暴抑兼并盜賊屏息
永樂中移天台薦修大典書成擢兵科給事中會台州民合疏乞
還治郡帝疑爲黨除籍罰充吏尋起吉安推官緝捕劇惡人稱神
明暇則與士人講授經義討論正學士民戴之宣德初召補文選
司郎中弟植字正立以薦授常山縣丞縣苦征役多逋負植多方
招徠約停民宿逋而課之耕種貧者給牛種再踰年歲大獲輸稅
者爭先逋負以清丁母憂歸民斂金爲購追送至中途植取一金
祝而投之水曰是即吾受也除服補浮梁子熹嘗往省製一緇袍
衣之曰汝速歸不能讀書即耕亦生理也母以我居官爲意三年
卒於官巷哭三日

李興字希傑永樂初由國子生授太平府推官廉慎公如用薦擢

戶部郎中人不敵干以私遷嚴州府知府東吏特嚴而撫民以寬興除悉準人情設量衡於市平準交易催徵度緩急預揭爲期民莫敢後宣德初移廣州府治如嚴州秩滿去行李蕭然見者不知爲二千石也

陳復字鼎初永樂甲辰進士授行在戶部主事正統間擢杭州知府廉靜無苛獄訟大省朔望必召耆老言利弊而興革之餘日端坐堂皇與曹掾講讀律令慎職而已同官左布政孫原貞按察使軒輊仁和知縣許璞皆極一時之選復卒於官杭民罷市巷哭輓倡屬助之乃克斂吏民相率致賻其子盡卻之曰不敢汙府君清德稱貸歸喪

陳崇字德崇成化戊戌進士知樂平縣俗生女多不舉婚多違禮崇嚴爲禁革著厚倫正俗二文示之俗稍變擢御史巡按應天發奸摘伏人稱神明性醇謹遇事剛果不避難同列彭程以言事繫獄獨崇具疏論救時論譴焉

福建通志

卷二百之八

明良吏

古

侯官縣

阮時懋字勉夫成化丙午舉人授訓導擢慶遠府宜山縣鋤強發奸人稱鐵阮就轉府通判慶遠苦洞夷出掠郡人聞時懋至曰是鐵宜山也無患賊矣時懋爲設方略守禦又請於上官築四關土垣慶遠以安遷思明同知未任卒孫北字維拱嘉靖舉人終安仁知縣

王介字節父宏治壬子舉人授婺源訓導擢湖廣咸寧知縣詢民利害以丁產定賦額出贖緩易穀萬石正德四年歲饑賴以全活俗多以幼子娶壯婦介痛革之移知江夏遷廣州府通判轉全州

知州州人光祿寺丞唐襲倚姻蔭爲大學士橫於鄉里介裁抑之被搆改武定軍民府同知介剛正有爲尹二縣民號爲鐵尹其判廣州有金玉滿萬難得府判之謠未期罷歸無擔石儲

廖雲翔字鳴和宏治壬子舉人正德中官奉化知縣持身廉介不以家累自隨布衣脫粟視民如子未嘗妄鞭扑一人嘗有貧民負官錢以其俸資代之先是邑令謁鎮守市舶內臣率賄左右乃得通雲翔不可曰一錢尺帛皆民脂也竟不與通及入覲或曰當多備行資還京師要人又不聽竟以忌調知吳川致仕歸貧居三十載卒年九十三奉化人祀之

王希周字文浩嘉靖己酉舉人授瑞安教諭捐資振士之貧乏者擢和平知縣至官僅三月有鄰邑人宿東壩張德傑家通判黃佳

福建通志

卷二百之八

明良吏

古

侯官縣

枉以爲窩盜縱牙爪捕之德傑被逼而死佳因言東壩民盡窩盜欲屠之促知縣同舉希周不聽佳遂夜勒兵開門去希周曰事急矣無如之何拔劍自刎死事竟止閩書引福州府志論曰百里之民而枉以盜也令能直之俸雖充殘敢不承命倉皇自刎何計無復之也雖然合不能死東壩民可謂鴻毛矣何子日倅克如是此必按密意於上官非令一時所能得者邊微大吏生事以要功小吏擊斃以要名豈一日哉福州志所云以恩意論之未當也陳學麟字尙經父繼思字一忠嘉靖中倭寇至鄉人皆逃匿繼思以父母老疾獨侍不去賊憐而舍之歲大祲悉散所儲賑給嘗路拾遺金候三日無索者乃捐施貧乏舟覆溺百餘人悉收瘞之年近百歲卒學麟事父孝待異母弟友舉嘉靖戊午鄉試授番禺教諭擢知高要縣廉明慈愛賢聲籍甚民告子不孝欲斃之學麟留其子署中令晨夕相隨問視數日子大感悟後經其鄉其父母具

鷄黍遮道謝遷潮州同知李仲山朱良保諸寇起兵官欲殺良民數百冒功學麟察無辜並釋之總督怒劾罷歸以新居與二弟而自居敝屋所置田產輒與二弟均焉

王應巡字獻甫生而穎異年十三於書無所不窺王孺子聲籍甚諸生閒萬歷九年以貢生入太學久之授惠安訓導執經問難者踵至遷國子學錄擢雅州知州雅州雜夷俗天全酋高楊二氏構兵而州人間存義張自成以誣陷繫獄瘐且死應巡察其冤卽出之單車按行夷峒中宣威德諭以禍福峒夷咸解散在州六年前後撫按薦剡旁午竟以資格遷吉府長史王得應巡驛甚謂曰寡人有庶弟不能和協人其謂我何庶弟者長沙王也應巡以禮諷諭之遂爲兄弟如初諸王子壯而沐應巡勸出就學咸蒸蒸向風

福建通志

卷二百之八

明良吏

夫

侯官 長樂

王益敬禮之尋以母老乞歸

長樂縣

王堅字子正洪武庚戌辟至京師試高等授湖廣僉事累轉除刑部郎中以直言忤尙書開濟濟議於帝謫嘉興同知朝士送之者曰嘉興民不好君善爲之堅曰官好民自好至則問疾苦分憂革弊出女囚六十二人悉放歸之民情信服

陳祖字富文洪武四年以明經薦授新繁縣丞道遇嫗哭甚哀問之曰夫與子俱喪止餘一孫十歲昨爲大蛇所噬祖令具狀移牒城隍限日勅蛇至公庭及期果有羣蛇集庭下祖諭曰無干者退獨一大蛇伏不去祖命礮之遷光山知縣一日有羣葉旋舞不下其一落案上取視旁若有窾令吏隨葉跡之果有屍祖曰殺人者

葉孔也捕得之果伏辜尙書開濟薦祖自代未及用而卒

方懋字叔勉一字聰字先世由莆田徙長樂聰穎銳學夜忘臥扁擔以警睡年十八與陳良林賜王錫友善懋舉永樂庚子鄉試知浙江開化縣廉直自矢不徇權貴不受干請懲頑梗平寬濫吏民斂戢盜不入境邑有爭水利者累歲不決懋一言折之輿論大快值大水爲災溺死者浮屍蔽江悉收瘞之病者予藥物饑者給薪米全活無算在任十載以卓異陞通判未上卒士民醵金歸葬建祠祀之

李叔玉以字行父仕鱗隱居東溪上盡取先世遺書讀之凡得要語斜行細字書滿四壁嘗曰至樂莫如讀書至要莫如教子叔玉博學工詩登正統乙丑進士天順中知惠州府廉明寬厚勤恤小

福建通志

卷二百之八

明良吏

七

長樂縣

民威折豪右郡學火叔玉心計身督廟堂齋舍次第一新

陳大濩字則殷正德辛巳進士授上虞知縣抑巨室伸單弱諸貴有力人弗便之日毀諸上官尋調光山故事光山民調役他縣值歲饑符猶及之大濩抗詞爭曰天降災於下邑奈何又重之虐孳民於道也臺使者無以難寢其役用薦行取入京奸人巾以上虞事諸同徵者率補御史給事而大濩得隰州知州復爲巡鹽御史所劾然大濩甫至已捐州四門榷稅廉聲大起吏部爲格御史章遷思恩府同知開水關築壘廬戢盧蘇王受餘黨俄陳牒歸牒被蕭然教授里中兒自給先後邑令數造請不能得也朱紱巡視閩中願一見竟辭謝紉歎息去子省自有傳

葉時敏字志卿萬曆戊子舉人授烏程教諭豪家以私怨修愾諸

生有司亦甘心焉時敏爭之強乃免豪復構某生扼其入試時敏一夜十往請於郡乃得試果雋遷程鄉知縣縣在萬山中俗悍狡時敏鋤宿猾均田賦戒民鬻田久毋得訟賦法置置於庭令里正自輪解程鄉俗與人鬻則預養族之老病貧儒者使服毒或使其子弟殺之以傾怨家盡劫其產名曰瘦馬又豪惡人誘膏梁子弟與博產盡則相與入山爲盜名紅烏賊時敏下令曰市瘦馬者以子弟殺父兄論民有掘毒草者許抵贖金不半歲草盡瘦馬亦衰止又嚴治博徒置重法紅烏賊屏跡俗大變民又苦礦稅時敏令民盡塞礦而爭於御史言最爾邑安所得二千金語侃侃自旦至日中不休人皆縮舌御史素重時敏爲憾十之八逋寇李天爵嘯聚綠石坑謀乘令謁府從上游舟逆之因以爲亂人情震駭城

福建通志

卷二百之八

明良吏

大

長樂縣

門盡閉時敏自他道歸開門視事如平時誘其魁殺之餘黨悉解遷大平府永康知州永康故夷地州治草創無城垣廨舍官署僅土室三楹覆以白茅居人不數百聞州守至不能備備廩家人竟不得食時敏進其父老與課計田糧戶口之數諸興作次第而舉先是藩司發七白金爲繕治費前官不敢任時敏慨然肩之築城垣四百餘丈建學宮及公府吏舍倉庫廟社一切剏畫悉中規程不期月告成州人休慙不曉詩書乃招客遊人通文藝者三十餘人州自是有弟子員又戒居民毋火葬毋健訟毋開鉛井以貽禍遷衢州府同知督戎諸弁欲汰兵時敏曰汰兵無益徒爲弁市耳且驅之爲盜令巡江上下以獲盜多寡爲殿最兵益奮往餉金經數手乾沒時敏呼兵至廳事給之兵大悅清卒轉輸都下甚勞苦

有力者率賄免往往喧訴於藩司獨衢州以派役平無訴者又嘗堰西安江山田條免鹽商盤詰清屯田卹郵傳皆百世利在衢八年轉山東運同以省母過家病作衢州祀時敏方迎木主入祠而時敏以是日卒子有祿寓生

福清縣

陳霖洪武間知許州歲歉民多流徙霖導湖水注別墅縱其取魚鵲自給全活甚眾

黃須字用之永樂癸未舉人除蕭縣教諭改番禺又改萬安遷瑞州教授改廬州卒須持己甚嚴而教學者溫以摯蕭俗悍悍士多不學須誘進之遂有舉進士者番禺萬安素尚文須益勵之遂多明經之彥萬安訓導何阜卒於官貧不能喪須爲具棺稅地葬之

福建通志

卷二百之八

明良吏

九 長樂縣福清縣

而贈其家工部員外郎趙開卒於交趾有司遞傳歸其骨至萬安失之越數年其子求之弗得訴之官須百方爲求得之加贈還焉其仁厚如此

陳嘉宣德八年以薦辟爲海寧主簿縣與海寧干所錯處軍縱官馬戕民稼及夜巡擾民嘉乞以夜巡事屬有司馬害稼者戮傷勿論由是民始獲安

戴濬字文哲天順庚辰進士應詔言事忤旨繫獄四年成化改元除戶部主事遷郎中出爲岳州知府時靖州苗寇連九谿蠻猖獗肆毒濬立法漸次削平民賴以安九載秩滿民詣闕請留增俸復任歷十四年陞太僕寺卿

黃潤字尙孔宏治乙卯舉人授陵州學正擢興國知縣劇賊鍾仕

錦何積玉騷動江廣開支黨掠與國泗至值焚蕩之餘民日夜驚恐泗募壯丁守城沿城置警鋪二十四復建樓城上民心以安重構文廟而按追田塘之侵蝕者以贈學毀諸淫祠改建二程子祠移安湖書院於學宮時王守仁方撫南贛唐龍提學江西皆嘉獎之

陳用明宏治間以知印授金壇縣湖溪巡檢率民築隄以備旱澇旁植榆柳以防衝決正德間棄官歸嘉靖改元吏部召用辭不起用明雖起刀筆天性好義閩卒亂林廷玉高文達撫定之用明與有力焉

何世祺字勉翼父思明閩書作司明字致虛正德己卯舉人授額上教諭士鮮經術思明嚴立課程時為講解士因以感憤捐俸葺學宮

福建通志 卷二百之八 明良吏 三 福清縣

恤貧士之不能婚葬者部使者以學行兼優獎之世祺嘉靖丙戌進士除知慈谿縣改歸善治事精敏抑豪猾覈戶口豁虛稅吏胥無所售奸或白以縣吏有稅契銀曰已徵於科價矣有稅畝銀曰里甲自辦工墨矣其不苟取類此歸善士大夫言賢令率首世祺云

楊子充字道貴嘉靖甲午鄉試第一授泰和教諭改歸安遷國子博士出為瓊州府同知瓊在海外黎蠻雜處子充簡騎卒繕營堡練舟師賊徒屏息建文昌會同樂會三縣城池嘗視府家有賊與獄因謀亂立擒捕之巨族徭役多詭匿乃核丁產行攤平法瓊民稱便立祠以祀

施千祥字予吉嘉靖乙未進士歷禮部員外郎出為江西僉事調

四川鄆灌二縣當巴岷二江水漲膏腴萬頃皆成奔濤千祥築石隄鑄鐵牛以鎮之民賴其利有邢主事孫以非辜罹重辟時天旱禱雨弗應夜夢衰衣博帶者揖而言曰爾存吾孤吾昌爾後覺而知有冤閱獄平反之天乃雨擢湖廣按察副使陞廣西參政時大僚諸峽與柳慶以西悉為搖撼千祥以恩義撫綏之皆誓服受約

東

張德熹字宗儒嘉靖甲辰進士授寧波推官決獄精慎務考律例參輿論不以明察自矜積年疑獄一訊皆決獄中疫驗囚非當死者皆縱之如期自歸無後者遇火往救之反風而滅擢戶部主事官至工部郎中

林資深字靜學嘉靖丙午舉人知南雄州改崖州州黎蠻雜處民多失業乃相地濬溝引南北水合注平壤溉田數萬畝黎與多港

福建通志 卷二百之八 明良吏 三 福清縣

構難資深撫諭之境內遂安民碑而祀之遂高州府同知署化州知州州多火患教民易茅以瓦會諭大獄與監司抵牾乞歸何邦靖字應元嘉靖甲子舉人授葉縣教諭南陽與懷慶接壤懷慶苦賊重當事議割南陽屬邑益之邦靖上書言葉民罷散狀甚

悉竟得免擢崇仁知縣有河枕邑城北河之南淮兌倉在焉邦靖嘗捐俸作南河城與北河城相峙積儲賴以無恐暇則引諸生講業大學士吳道南其首拔者與推官忤中傷於巡按御史遂挂冠歸從弟邦禮字大中嘉靖丙辰進士除撫州推官有王慶四殺人